



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Theologia Moralis**

**Reiffenstuel, Anaklet**

**Monachii, 1699**

Lectori Benevolo.

**urn:nbn:de:hbz:466:1-40206**



# LECTORI BENEVOLO,

**Q**ua par est reverentiâ & humilitate tuis, Lector Benevole, non tam ferventibus, quam frequentibus oculis aspiciendum, revidendumque, sese offert istud Theologiae Moralis, brevi, simulque clarâ methodo comprehensæ Opusculum. Eius intentio, finisque est, & tuam, & Proximorum promovere salutem: addat Divina Bonitas desideratum Votis successum. Quoniam verò in librorum delectu nihil gratius accidere solet, quam si concurrant simul succincta brevitatis, scriptorum claritas, rerumque atque doctrinarum universitas, & ad omnem usum expedita utilitas: hæc eadem præsens Opusculum per singula exhibere studuit, tibiq; favere, atque, utinam, & satisfacere. Ceterum, ut intentum suum assequeretur feliciter, selegit Authores probatissimos, Sententias probabiliores, magisq; fundatas (non tamen silendo probabiles) Conclusionesque aut solidis rationibus, aut ipsis SS. Canonum Autoritatibus (quæis & Theologia Moralis, & recta vivendi ratio sese Deo iubente submittere, atque obsequi tenentur) fortiter stabilivit. Adduntur Decreta Summorum Pontificum notissima, & ubi cavenda in docendo scandalositas, aut timenda in practicando temeritas, Propositiones damnatæ propriis locis fideliter inseruntur. Marginalia à latere apponuntur breviter, in qui-

bus veluti Iliadem in nuce, totam materiarum seriem, scopumque conspicere valeas. Ut autem minori cum labore singula reperire liceat, hinc Elenchus Tractatum, Disinctionum, & Questionum, illinc Index materiarum Alphabeticus inseruiet locupletissimus. Numerositatem Obiectionum adhibere disuasit ipsamet Theologiae Moralis methodus passim recepta, brevitásque in fronte promissa; nonnullae tamen maioris claritatis gratiá nonnunquam apponuntur: alias, si forsán alicubi desideres, eluere, supplereq̄ poterunt vel rationes adductae, vel SS. Canones, Legésque allegatae. Tuum penes haec, Lector Benevole, sit iudicium: nam omnia, quaecunque sequuntur, meliori sint submissa iudicio, atque in primis humillr̄ re subiecta Censura Sanctae Romanae Ecclesiae, utpote quae, disponente Domino, cunctorum Fidelium Mater est & Magistra, c. Damnamus. De Summa Trinitate, & Fide Catholica.



APPRO.